

[Allakkap kalaallisuunngortinnera]

Sullivinnik Nakkutilliisoqarfik

Grønlands Erhverv
Karsten Lyberth Klausen
klausen@ga.gl

15-01-2026

Sapaatip-akunneranut ulloq unnuarlu sulinngiffeqartarneq pillugu isumaqatigiissutip allanngortinneqarnerata akuerineqarneranik aalajangiineq

Tunuliaqutaasoq

Grønlands Erhverv (GE) ulloq 22. decembari 2025 Sullivinnik Nakkutilliisoqarfimmut e-mailikut kissaateqarpoq isumaqatigiissummut tapiliussaq 17. decembari 2025-meersoq nassiuneqartoq akuerineqassasoq, tapiliussami pineqarluni sullivinni avatangiisit pillugit inatsimmi malittarisassat atuuttut sapaatip-akunneranut ulloq unnuarlu sulinngiffeqartarnissamut tunngasut suliffeqarfiup GE-mut ilaasortaasup Lumina Sustainable Materials A/S-ip Qaqortorsuarmi anorthositimik paaaffiani sulisunut tunngatillugit saneqqunneqarsinnaassasut.

Isumaqatigiissuteqartut

Isumaqatigiissuteqartuupput Grønlands Erhverv (GE) sulisitsisutut aamma Sulinermik Inuusutissarsiteqartut Kattuffiat (SIK) sulisut kattuffiattut.

Aalajangiineq

Isumaqatigiissummut tapiliussaq 17. decembari 2025-meersoq Sullivinnik Nakkutilliisoqarfiup akuerisinnaavaa, tassa aalajangersakkat sapaatip-akunneranut ulloq unnuarlu sulinngiffeqartarnissamut tunngasut suliffeqarfiup GE-mut ilaasortaasup Lumina Sustainable Materials A/S-ip Qaqortorsuarmi anorthositimik paaaffiani sulisunut tunngatillugit saneqqunneqarsinnaasut, taamaalillutik sulisut ulluni 28-ni ataannartumik sulisinnaassallutik, tamatumalu kingorna ulluni 14-ini ataannartumik sulinngikkallartassallutik.

Akuersissut ullormit aalajangiiffiqineqarneranit atuutissaaq.

Sullivinnik Nakkutilliisoqarfiup isumaqatigiissuteqartunut eqqumaffigniaqquaa isumaqatigiissutip malittarisassanut qaqugukkulluunniit atuuttunut naapertuuttuunissaa, imaappoq malittarisassanik

nutaanik aalajangersaasoqarpat imaluunniit eqqartuussisutigoortumik aalajangiinerup kingunerisaanik isumaqatigiissutip aammattaaq iluarsineqarnissaa.

Sullivinnik Nakkutilliisoqarfiup aammattaaq eqqumaffigeqquaa sapaatip-akunneranoortumik ulloq ulluarlu sulinngiffeqarsinnaatitaanerup kinguartinneqarsinnaanerani apeqquta**aanngimmat** sulisut ataasiakkaat akuersaarnersut, tassami isumaqatigiissutaammat tamanut atuuttoq.

Isumaqatigiissut atorunnaarpat tamanna Sullivinnik Nakkutilliisoqarfimmut nalunaarutigineqasaaq.

Tunngavilersuut

Isumaqatigiissummut akuersinermini Sullivinnik Nakkutilliisoqarfiup pingaartippaa isumatigiissummi pineqarmat sapaatip-akunneranoortumik ulloq unnuarlu sulinngikkallarnissamik piumasap saneqqunneqarsinnaanera, tamatumani sulisut ullut tamaasa qasuersaarnissaminnut piffissaqarnissaat attorneqassanngimmat. Sapaatip-akunneranut ulloq unnuarlu sulinngikkallarsinnaanerup saneqqunneqarsinnaanera ullut tamaasa qasuersaarnissamut piffissaqanngitsoortitaanissatulli peqqinnissap tungaatigut sunniuteqarsinnaatiginngilaq.

Sullivinnik Nakkutilliisoqarfiup aammattaaq pingaartissimavaa sulisut ulluni 28-ni ataannartumik sulisinnaassasut, tamatumalu kingorna ulluni 14-ini sulinngikkallartassallutik, taamalu aamma ulloq unnuarlu sulinngiffeqartarnissamik taartissaannik pissallutik.

Tunngavigisaq

Aalajangiineq uuminnga tunngaveqarpoq:

- *Kalaallit Nunaanni qasuersaarfeqartarnissaa aamma ulloq unnuarlu sulinngiffeqarnissaa pillugit Nalunaarut nr. 32, 23. januaari 2006-imeersoq, §§ 20, 23 aamma 26*

Inussiarnersumik

Trine Kragelund

Specialkonsulent